



UMSÖGN

Viðtakandi: Velferðarráð

Sendandi: Dís Sigurgeirsdóttir, starfandi sviðsstjóri

Efni: Umsögn um tillögu áheyrnarfulltrúa Flokks fólksins um endurskoðun reglna um sérstakan húsnæðisstuðning

Þann 30. júní 2022 lagði áheyrnarfulltrúi Flokks fólksins fram í borgarráði svohljóðandi tillögu um endurskoðun reglna um sérstakan húsnæðisstuðning:

Lagt er til að borgarráð samþykki að fela velferðarráði að endurskoða reglur Reykjavíkurborgar um sérstakan húsnæðisstuðning, í því skyni að hækka tekju- og eignamörk vegna húsnæðisstuðnings um að minnsta kosti 3% í samræmi við nýuppfærðar leiðbeiningar félags og vinnumarkaðsráðuneytisins. Jafnframt verði velferðarráði falið að endurskoða reglur um fjárhagsaðstoð frá Reykjavíkurborg, með það að markmiði að hækka fjárhæðir samkvæmt þeim reglum um að minnsta kosti 3% til samræmis við nýlegar breytingar á lögum um almannatryggingar. Enn fremur verði velferðarráði falið að meta með hliðsjón af nýjustu upplýsingum og fylgjast áfram með því hvort hækka þurfi umræddar fjárhæðir enn meira.

Tillögunni var vísað til meðferðar velferðarráðs með bréfi skrifstofu borgarstjórnar, dags. 4. júlí 2022.

Umsögn:

Sérstakur húsnæðisstuðningur

Í tillögunni er lagt er til að hækka frítekjumörk sérstaks húsnæðisstuðnings um 3% til samræmis við breytingu laga nr. 75/2016 um húsnæðisbætur til bráðabirgða sem aðgerð gegn hækkandi verðbólgu.¹ Frítekjumörk árstekna fyrir útreikning húsnæðisbóta hækkuðu um 3% afturvirkrt frá 1. janúar 2022 ásamt því að grunnfjárhæð húsnæðisbóta hækkaði um 10% frá 1. júní 2022.

Æskilegt væri að hækka grunnfjárhæð sérstaks húsnæðisstuðnings til jafns við grunnfjárhæð húsnæðisbóta. Fjárhæð sem greiðist til notenda hefur hækkað vegna 4. gr. reglna Reykjavíkurborgar um sérstakan húsnæðisstuðning, en þar segir að fyrir hverjar 1000 kr. sem greiðast í húsnæðisbætur þá skulu greiðast 1.000 kr. í sérstakan húsnæðisstuðning. Það er því enginn kostnaður fólgin í því að hækka grunnfjárhæðina þar sem greiðslur til notenda munu hækka óháð breytingunni. Til samræmis væri hægt að hækka grunnfjárhæð til notenda afturvirkrt frá 1. júní 2022.

Kostnaður við hækkun á frítekjumarki sérstaks húsnæðisstuðnings mun leiða til þess að fleiri notendur eiga rétt á greiðslu, ásamt því að þeir sem þegar áttu rétt gætu átt rétt á minni eða engri skerðingu vegna tekna. Áætlaður kostnaður við hækkun frítekjumarks um 3% er um 2 -

¹ <https://www.althingi.is/altext/152/s/1011.html>



2,5 m.kr. á mánuði eða 24 - 30 m.kr. á ári. Því þyrfti aukna fjárheimild undir þessum lið komi til þessarar hækkunar. Áætlun miðar við núverandi notendafjölda.

Fjárhagsaðstoð

Í tillöggunni er lagt er til að endurskoða fjárhæð fjárhagsaðstoðar og hækka hana í það minnsta um 3%. Breytingar á fjárhæðum má sjá á Töflu 1.

Tafla 1. Grunnkvarðar fjárhagsaðstoðar fyrir og eftir 3% hækkun

Fyrir breytingu				
Kvarði	2022	Staðgreiðsla	Greitt til notanda	
Býr hjá foreldrum	108.898 kr.	- kr.	108.898 kr.	
Miðkvarði	183.507 kr.	3.797 kr.	179.710 kr.	
Grunnkvarði	217.799 kr.	14.582 kr.	203.217 kr.	
Hjónakvarði	348.476 kr.	882 kr.	347.594 kr.	
Eftir breytingu				
Kvarði	3% hækkun	Staðgreiðsla	Greitt til notanda	Aukning til notanda
Býr hjá foreldrum	112.165 kr.	- kr.	112.165 kr.	3.267 kr.
Miðkvarði	189.012 kr.	5.528 kr.	183.484 kr.	3.774 kr.
Grunnkvarði	224.333 kr.	16.637 kr.	207.696 kr.	4.479 kr.
Hjónakvarði	358.930 kr.	2.526 kr.	356.404 kr.	8.810 kr.

Miðað við greiddar umsóknir í júní 2022 leiðir 3% hækkun grunnfjárhæðar til 8 m.kr. hækkunar á greiðslum frá Reykjavíkurborg á mánuði eða áætlað um 96 m.kr. á ársgrundvelli. Komi til þessarar breytingar þyrfti að hækka fjárheimildir velferðarsviðs fyrir hækkun á grunnfjárhæð.

Á fyrri árshelmingi 2022 fór fjárhagsaðstoð til framfærslu umfram fjárheimildir um 67 m.kr. en notendum fjölgaði um rúm 14% miðað við sama tímabil síðasta árs. Þetta skýrist að hluta vegna aukins fjölda flóttafólks. Gert er ráð fyrir endurgreiðslu 757 m.kr. í áætlun 2022 vegna notenda með fjárhagsaðstoð sem búið hafa á Íslandi skemur en 2 ár eða hafa ekki lögheimili á Íslandi sbr. 15 gr. laga nr. 40/1991 um félagsþjónustu sveitarfélaga.

Ef grunnfjárhæð fjárhagsaðstoðar er hækkuð um 3% þá mun stór hluti hækkunar greiðast í staðgreiðslu þar sem persónuafslátturinn sem er 53.916 kr. á árinu 2022 greiðir aðeins upp staðgreiðslu að 171.434 kr. Sjá má greiðslur til notenda í Töflu 1.